


Հաստատված է
«Հայաստանի պետական տնտեսագիտական
համալսարան» ՊՈԱԿ գիտական խորհրդի
2018 թվականի մարտի 5-ի նիստում,
արձանագրություն N 5,
գիտական խորհրդի նախագահ, ռեկտոր

_____ Կ.Լ.Աթոյան
« 05 » _____ 03 _____ 2018 թ.



**ԱՎԱՐՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԵՎ
ՊԱՇՏՊԱՆՈՒԹՅԱՆ ՄԵԹՈԴԱԿԱՆ
ՑՈՒՑՈՒՄՆԵՐ**

Հեղինակներ՝

տ.գ.թ., դոցենտ Պ. Ա. Քալանթարյան

տ.գ.թ., դոցենտ Կ. Հ. Գրիգորյան

տ.գ.թ., դոցենտ Գ. Ա. Նազարյան

Սույն մեթոդական ցուցումները բակալավրիատում ավարտական աշխատանք կատարելու, ղեկավարելու և պաշտպանելու գործընթացը կազմակերպելու և իրականացնելու ուսումնամեթոդական ուղեցույց է: Այն նախատեսված է համալսարանի բակալավրիատի ուսանողների, պրոֆեսորադասախոսական կազմի, ավարտական աշխատանք գրախոսողների և ամփոփիչ ատեստավորման հանձնաժողովի անդամների համար:

1. ԸՆԴՀԱՆՈՒՐ ԴՐՈՒՅԹՆԵՐ

2. ԱՎԱՐՏԱԿԱՆ ԱՇԽԱՏԱՆՔԻ ՆԱԽԱՊԱՏՐԱՍՏՈՒՄԸ ԵՎ ԿԱՌՈՒՑՎԱԾՔԸ

2.1. Ավարտական աշխատանքի թեմայի ընտրությունը

2.2. Ավարտական աշխատանքի ղեկավարի գործառույթները, իրավունքներն ու պարտականությունները

2.3. Ավարտական աշխատանքի կառուցվածքը և շարադրանքը

3. ԱՎԱՐՏԱԿԱՆ ԱՇԽԱՏԱՆՔԻ ՊԱՇՏՊԱՆՈՒԹՅԱՆ ԿԱՐԳԸ

3.1. Ավարտական աշխատանքի պաշտպանությունը

Օգտագործված գրականության ցանկ

Հավելվածներ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Ավարտական աշխատանքի կատարումն ու պաշտպանությունը ուսանողի ձեռք բերած գիտելիքների, հմտությունների և կարողությունների ապացույցն է:
- 1.2. Ուսանողը ավարտական աշխատանքի հրապարակային պաշտպանության թույլատրվում է տվյալ կրթական ծրագրով մինչև ավարտական աշխատանքի պաշտպանությունը նախատեսված կրեդիտները հավաքելու դեպքում: Մասնագիտության կրթական ծրագիրը չիրականացնելու (նախատեսված կրեդիտները չհավաքելու) դեպքում ուսանողը գրկվում է ավարտական աշխատանքի պաշտպանության իրավունքից: Այդ դեպքում ուսանողին հնարավորություն է տրվում առնվազն մեկ տարի հետո վերականգնվել ավարտական կուրսում և կրկին կատարել ավարտական աշխատանք՝ նոր թեմայով:
- 1.3. Ավարտական աշխատանքի բովանդակությունը պետք է համապատասխանի տվյալ կրթական ծրագրի վերջնարդյունքներին:
- 1.4. Ավարտական աշխատանքը պետք է ներկայացվի այն տեսքով, որը հնարավորություն կտա դատելու, թե որքան ամբողջական են արտացոլված և հիմնավորված նրանում զետեղված դրույթները, եզրակացությունները, առաջարկությունները, դրանց կիրառական նշանակությունը: Ավարտական աշխատանքը այլ գիտական աշխատանքներից տարբերվում է նրանով, որ ունի որակավորման գործառույթ և պաշտպանությունից դրական գնահատական ստացած ուսանողին տրվում է բակալավրի որակավորման աստիճան:
- 1.5. Ավարտական աշխատանքն ինքնուրույն աշխատանք է: Առանց հեղինակին հղում կատարելու ուրիշի արտահայտած գաղափարը և կատարած հետազոտության արդյունքները որպես սեփական աշխատանքի արդյունք ներկայացնելը գրագողություն է: Այդ ակադեմիական կարգապահական նորմի պահպանումը պարտադիր է: Գրագողության նկատմամբ վերահսկողության կառուցակարգը սահմանվում է առանձին կարգով:

2. ԱՎԱՐՏԱԿԱՆ ԱՇԽԱՏԱՆՔԻ ՆԱԽԱՊԱՏՐԱՍՏՈՒՄԸ ԵՎ ԿԱՌՈՒՅՎԱԾՔԸ

2.1. Ավարտական աշխատանքի թեմայի ընտրությունը

- 2.1.1. Ավարտական աշխատանքների թեմաները առաջադրում են տվյալ կրթական ծրագիրն իրականացնող ամբիոնի կամ ամբիոնների դասախոսները, դրանց վերջնական ցանկը հաստատվում է ամբիոնի նիստում կամ ամբիոնների համատեղ նիստում, եթե տվյալ կրթական ծրագիրն իրականացնում են մեկից

ավելի ամբիոններ: Ավարտական աշխատանքի թեմայի անվանումը պետք է արտացոլի այն գլխավոր գաղափարը, որի վրա շեշտադրում է կատարվելու աշխատանքում: Ուսանողը կարող է առաջարկել ավարտական աշխատանքի թեմա՝ դրա նպատակահարմարության հիմնավորմամբ, ինչը քննարկվում և հաստատվում է ամբիոնի նիստում:

- 2.1.2. Ամբիոնն ավարտական աշխատանքների թեմաների ցանկն ուսանողներին առաջարկում է բակալավրիատի ավարտական ուսումնական տարվա առաջին կիսամյակի առաջին ամսվա ընթացքում: Առաջարկվող թեմաների քանակը առնվազն 20 տոկոսով պետք է գերազանցի ավարտական աշխատանք կատարողների թվին և չկրկնի նախորդ երեք տարվա թեմաները:
- 2.1.3. Ավարտական աշխատանքի թեմայի ընտրության համար ուսանողն ավարտական ուսումնական տարվա երկրորդ ամսվա ընթացքում գրավոր դիմում է ամբիոնի վարիչին (տե՛ս հավելված 1):
- 2.1.4. Ուսանողների ընտրած և ղեկավարներ նշանակված թեմաների ցանկը նախ հաստատվում է տվյալ ամբիոնի, այնուհետև՝ ֆակուլտետի խորհրդի նիստերում՝ մինչև տվյալ տարվա նոյեմբերի 1-ը:
- 2.1.5. Հաստատված ցուցակների մեկական օրինակ պահվում է ամբիոնում, ղեկանատում և ուսումնական բաժնում:
- 2.1.6. Ղեկավարի կամ ավարտական աշխատանքի թեմայի փոփոխություն թույլատրվում է միայն բացառիկ դեպքերում (օրինակ՝ ղեկավարի երկարատև գործուղում, ուսումնական տարվա ընթացքում աշխատանքից ազատում, երկարատև հիվանդություն, իսկ թեմայի փոփոխություն՝ համապատասխան հիմնավորվածության առկայության դեպքում:)
- 2.1.7. Ավարտական աշխատանքը կատարվում է հետևյալ հիմնական փուլերով՝
 - ավարտական աշխատանքի թեմայի ընտրություն և հաստատում,
 - աշխատանքների կատարման ժամանակացույցի կազմում,
 - աշխատանքի թեմային առնչվող գրականության ընտրություն և ուսումնասիրություն,
 - հաշվարկների համար վիճակագրական նյութերի և այլ տվյալների հավաքագրում, աղյուսակների, գծապատկերների և գծանկարների կառուցում,
 - ավարտական աշխատանքի ձևավորում (էջերի, գլուխների, աղյուսակների, գծանկարների, գծապատկերների համարակալում, տեքստի տպագրություն և տպագրված ավարտական աշխատանքի կազմում),
 - ավարտական աշխատանքի նախնական պաշտպանություն՝ ամբիոնի հայեցողությամբ,
 - ավարտական աշխատանքի ներկայացում ամբիոն՝ ղեկավարի կարծիքի հետ,
 - ավարտական աշխատանքի հրապարակային պաշտպանություն:
- 2.1.8. Ավարտական աշխատանքի կատարման հիմնական փուլերի ժամկետներն են՝

- ավարտական աշխատանքի թեմայի ընտրությունն իրականացվում է պաշտպանության ժամանակացույցից առնվազն 6 ամիս առաջ,
- ղեկավարը հաստատում է ուսանողի և ղեկավարի համատեղ աշխատանքի կարգն ու ժամանակացույցը, ինչպես աշխատանքի առանձին մասերը, այնպես էլ ավարտուն աշխատանքը ներկայացնելու ժամկետները՝ թեմայի ընտրությունից հետո առավելագույնը մեկ ամսվա ընթացքում,
- ավարտական աշխատանքի նախնական պաշտպանություն ամբիոնի հայեցողությամբ՝ հրապարակային պաշտպանությունից առաջ,
- ղեկավարի կարծիքի հետ ավարտական աշխատանքի ներկայացում ամբիոն՝ պաշտպանության օրվանից առնվազն 10 աշխատանքային օր առաջ,
- գրախոսության ներկայացում ամբիոն՝ պաշտպանության օրվանից առնվազն 5 օր առաջ:

2.2. Ավարտական աշխատանքի ղեկավարի գործառույթները, իրավունքներն ու պարտականությունները

- 2.2.1. Ամբիոնը նշանակում է ավարտական աշխատանքի ղեկավար՝ ամբիոնի պրոֆեսորադասախոսական կազմից:
- 2.2.2. Ավարտական աշխատանքի ղեկավար նշանակվում են, որպես կանոն, ամբիոնի պրոֆեսորները, դոցենտները (ոչ ավելի, քան 10 ավարտական աշխատանք և մագիստրոսական թեզ, եթե առկա է նաև թեզի ղեկավարություն), գիտական աստիճան ունեցող ասիստենտները (ոչ ավելի, քան 8 ավարտական աշխատանք և մագիստրոսական թեզ), ինչպես նաև առնվազն հինգ տարվա գիտամանկավարժական ստաժ ունեցող, գիտական աստիճան չունեցող ասիստենտները՝ հաշվի առնելով նրանց մասնագիտական կարողությունները և հետազոտությունների շրջանակը (ոչ ավելի, քան 5 ավարտական աշխատանք): Անհրաժեշտության դեպքում ղեկավար կարող են նշանակվել նաև տվյալ բուհի մասնագիտական այլ ամբիոնների դասախոսներ, այլ բուհերի կամ կազմակերպությունների համապատասխան որակավորում ունեցող մասնագետներ:
- 2.2.3. Ավարտական աշխատանքի պատրաստման ընթացքում ղեկավարը պարտավոր է ուսանողի հետ իրականացնել հետևյալ աշխատանքները՝
- ծանոթացնել ավարտական աշխատանք կատարելու մեթոդաբանությանը և պահանջներին,
 - ավարտական աշխատանքի թեմայի շրջանակներում ուսանողին ուղղորդել անհրաժեշտ մասնագիտական գրականության և տվյալների աղբյուրների ընտրության հարցերում,

- վերահսկել նրա կատարած աշխատանքները, անցկացնել մշակված ժամանակացույցով նախատեսված պարբերական խորհրդատվություններ,
 - գնահատել կատարված աշխատանքի համապատասխանությունը ներկայացվող պահանջներին,
 - գրավոր կարծիք տալ ավարտական աշխատանքի հրապարակային պաշտպանության երաշխավորելու վերաբերյալ,
 - խորհրդատվություն տրամադրել ամփոփիչ ատեստավորման հանձնաժողովի նիստում ելույթը նախապատրաստելու համար:
- 2.2.4. Ուսանողի և իր կատարած աշխատանքների ընթացքի, այդ թվում՝ ժամանակացույցի պահպանման վերաբերյալ ղեկավարը պարբերաբար տեղեկատվություն է ներկայացնում ամբիոնի նիստերում:
- 2.2.5. Ղեկավարը ներկայացնում է գրավոր կարծիք (2-3 էջ), որտեղ նշվում է կատարված աշխատանքի համապատասխանությունը տվյալ կրթական ծրագրի վերջնարդյունքներին: Այնուհետև ղեկավարը հակիրճ ներկայացնում է կատարված աշխատանքի կառուցվածքն ու բովանդակությունը, դրա արդիականությունը, տեսական մակարդակն ու գործնական կարևորությունը, առաջադրված խնդիրների լուծման խորությունն ու յուրահատկությունը, կատարված աշխատանքի ինքնուրույնության աստիճանը, գրականության օգտագործման աստիճանը և դրանց հիման վրա եզրակացնում է՝ աշխատանքը պատրաստ է հրապարակային պաշտպանության կամ պատրաստ չէ:
- 2.2.6. Ավարտական աշխատանքի վերաբերյալ ղեկավարի բացասական կարծիքի դեպքում ուսանողի աշխատանքը չի թույլատրվում հրապարակային պաշտպանության:
- 2.2.7. Ղեկավարը պատասխանատվություն է կրում սույն մեթոդական ցուցումների պահանջներին համապատասխան ավարտական աշխատանք ներկայացնելու համար՝ հակառակ դեպքում նա կարող է զրկվել հետագայում ավարտական աշխատանքներ ղեկավարելու իրավունքից:

2.3. Ավարտական աշխատանքի կառուցվածքը և շարադրանքը

- 2.3.1. Ավարտական աշխատանքը պետք է ունենա տեսական, վերլուծական և գործնական բաղադրիչներ: Այն պետք է ունենա առաջադրված նպատակներին և խնդիրներին համապատասխան կառուցվածք:
- 2.3.2. Ավարտական աշխատանքը շարադրվում է տպագիր, A4 (210x297 մմ) չափի թղթի մի կողմի վրա, համակարգչով (Microsoft Word ծրագրով), որի ծավալը կարող է տատանվել 50-60 էջի սահմաններում՝ առանց հավելվածների, իսկ տեսական բնույթի թեմաների դեպքում ծավալը կարող է հասնել մինչև 70 էջի, տառատեսակը՝ Unicode, օտարալեզու շարադրանքը՝ Times New Roman, տառաչափը՝ 12, տողերի միջակայքը՝ 1,5, էջի աջ կողմից՝ 10 մմ լուսանցք, ձախից՝

- 30 մմ, վերևից՝ 20 մմ, ներքևից՝ 25 մմ, էջում՝ 28-32 տող: Էջերի համարակալումը էջի ներքևում՝ աջից: Տիտղոսաթերթը չի համարակալվում: Աշխատանքին վերաբերող ծանոթագրությունները տեղադրվում են էջի ստորին մասում:
- 2.3.3. Աշխատանքում մեջբերումներն ու հղումները նշվում են տողատակին (հեղինակի ազգանունը, անվան առաջին տառը, աշխատության անվանումը, հրատարակչությունը, հրատարակության վայրը, տարեթիվը և էջը)՝ միջանցիկ համարակալմամբ: Էլեկտրոնային նյութերից մեջբերումներ կատարելիս նշվում են ոչ միայն տվյալ կայքի հասցեն, այլ նաև տվյալ կայքի այն որոշակի էջը, որից կատարվել է մեջբերումը կամ հղումը: Յուրաքանչյուր գլխի շարադրանքը սկսվում է նոր էջից: Գլուխների անվանումները պետք է լինեն մեծատառերով: Աղյուսակների տեղաբաշխումը կախված է դրանց ծավալից: Հեղինակի կազմած աղյուսակները տեղադրվում են տեքստում, իսկ այլ աղբյուրներից բերված, մեկ էջից ավելի ծավալ ունեցող աղյուսակները՝ հավելվածում: Յուրաքանչյուր աղյուսակ պետք է ունենա անվանում (գրվում է աղյուսակի վերևում), չափի միավոր և համարակալում: Աղյուսակները կարելի է տեղադրել ուղղահիգ կամ հորիզոնական դիրքով: Աղյուսակի սյունակներում ազատ տեղեր չպետք է մնան, պետք է դնել գծիկ կամ գրել «չկա» («չի որոշված»):
- 2.3.4. Գծապատկերներն ու գծանկարները ներկայացվում են ինքնուրույն համարակալմամբ, որոնցից յուրաքանչյուրն ունենում է անվանում (գրվում է գծապատկերի և գծանկարի ներքևում):
- 2.3.5. Ըստ հերթականության՝ ավարտական աշխատանքի կառուցվածքի հիմնական տարրերն են՝
- տիտղոսաթերթ,
 - բովանդակություն,
 - ներածություն,
 - հիմնական գլուխներ,
 - եզրակացություններ և առաջարկություններ,
 - օգտագործված գրականության ցանկ,
 - հավելվածներ:
- 2.3.6. Սահմանված կարգով լրացված տիտղոսաթերթը աշխատանքի առաջին էջն է (տե՛ս հավելված 2):
- 2.3.7. Հրապարակային պաշտպանության ներկայացվող աշխատանքը հաստատվում է ուսանողի, ղեկավարի և ամբիոնի վարիչի ստորագրություններով:
- 2.3.8. Տիտղոսաթերթին հաջորդում է բովանդակությունը, որտեղ արտացոլվում են աշխատանքի բոլոր բաժինները, այդ թվում՝ գրականության ցանկը և հավելվածները: Բովանդակությունում նշվում են բաժինների սկսվող էջերը: Բովանդակության վերնագրերը նույնությամբ կրկնում են տեքստի վերնագրերը:

- 2.3.9. Աշխատանքի բովանդակությունը կազմելուց հետո ուսանողը հստակեցնում է կատարվելիք աշխատանքների տրամաբանական հաջորդականությունը:
- 2.3.10. Ներածությունում հիմնավորվում են ընտրված թեմայի արդիականությունը, դրա տեսական և գործնական կարևորությունը, ձևակերպվում են աշխատանքի նպատակները և խնդիրները, նշվում են ուսումնասիրության օբյեկտն ու առարկան, ուսումնասիրության ստացված արդյունքների տեսական ու գործնական նշանակությունը և աշխատանքի կառուցվածքը: Ներածությունում տրվում է նաև տեղեկատվության ստացման հիմնական աղբյուրների բնութագիրը: Ուսումնասիրության տեսամեթոդաբանական աղբյուրներ են համարվում օրենսդրաիրավական ակտերը, ուսումնական և գիտահետազոտական մասնագիտական գրականությունը, վիճակագրական նյութերը, տարբեր կազմակերպությունների հաշվետվությունները, սեփական ուսումնասիրությունները, սոցիոլոգիական հարցումները, տեղեկատվության էլեկտրոնային աղբյուրները և այլն:
- 2.3.11. Աշխատանքի գլուխների վերնագրերը պետք է համապատասխանեն թեմային և լիովին բացահայտեն առաջադրված խնդիրները:
- 2.3.12. Յուրաքանչյուր գլուխ պետք է պարունակի առնվազն 2 պարագրաֆ, որոնք համարկալվում են 1.1., 1.2., ... կամ 2.1., 2.2., ... և այլն:
- 2.3.13. Գլուխներից առաջինը պետք է ունենա տեսական բնույթ, իսկ մյուսները՝ վերլուծական և կիրառական:
- 2.3.14. Առաջին գլխում սովորաբար քննարկվում են թեմայի էությունը բացահայտող տեսական բնույթի հարցերը:
- 2.3.15. Երկրորդ գլխում, որպես կանոն, վերլուծվում է հավաքված տեղեկատվությունը՝ ներառյալ վիճակագրական տվյալները, փաստերն ու իրադարձությունները:
- 2.3.16. Երրորդ գլխում առաջարկվում են բացահայտված հիմնախնդիրների լուծման ուղիները, նշվում են դրանց զարգացման այլընտրանքային տարբերակներն ու հնարավորությունները:
- 2.3.17. Աշխատանքի շարադրանքում ցանկալի է ներկայացնել աղյուսակներ, գծապատկերներ և գծանկարներ: Քանակական ցուցանիշների վերլուծությունը պետք է իրականացվի տնտեսամաթեմատիկական և վիճակագրական գործիքակազմի, սոցիոլոգիական հարցման մեթոդների օգնությամբ:
- 2.3.18. Աշխատանքն ավարտվում է «Եզրակացություններ և առաջարկություններ» բաժնով: Այն ոչ թե ուսումնասիրությունից ստացված արդյունքների ուղղակի մեջբերում է, այլ դրանց սինթեզված ամփոփումը, որը կատարված աշխատանքի ընդհանրացված գնահատականն է:
- 2.3.19. Դրանից հետո ներկայացվում է օգտագործված գրականության ցանկը, որի առնվազն 70 տոկոսը պետք է արտացոլված լինի աշխատանքում: Գրականության ցանկում սկզբից ներկայացվում են իրավական ակտերը,

այնուհետև հայերեն գրականությունը՝ ըստ հեղինակների ազգանվան այբբենական հերթականության, օտարալեզու գրականությունը՝ նույն տրամաբանությամբ, և վերջում համացանցային կայքերը: Աղբյուրները բերվում են բնօրինակի լեզվով: Նույն հեղինակի աշխատանքները հարկավոր է դասավորել ըստ տարեթվերի աճման կարգի կամ ըստ շարադրանքի մեջ հղումների հերթականության: Անհրաժեշտ է գրել աշխատանքի լրիվ անվանումը, դնել բաժանիչ՝ // նշանը, հրատարակչությունը, հրատարակման տեղը, տարեթիվը, էջերի ընդհանուր թիվը:

- 2.3.20. Աշխատանքը ծանրաբեռնող լրացուցիչ նյութերը ներկայացվում են հավելվածներում: Հավելվածները վերնագրվում և համարակալվում են՝ առանց էջակալման:

3. ԱՎԱՐՏԱԿԱՆ ԱՇԽԱՏԱՆՔԻ ՊԱՇՏՊԱՆՈՒԹՅՈՒՆԸ

- 3.1. Ավարտական աշխատանքի նախնական պաշտպանությունը կազմակերպում է ամբիոնը՝ իր հայեցողությամբ, ոչ պարտադիր:
- 3.2. Ավարտական աշխատանքի նախնական պաշտպանության նպատակը հրապարակային պաշտպանությանը ուսանողներին նախապատրաստելն է:
- 3.3. Ավարտական աշխատանքի նախնական պաշտպանության ժամանակ աշխատանքի բովանդակությունը ներկայացնելու համար յուրաքանչյուր ուսանողի տրվում է մինչև 15 րոպե ժամանակ:
- 3.4. Նախնական պաշտպանության ժամանակ ղեկավարը ստուգում է ավարտական աշխատանքի վերաբերյալ ելույթի կառուցվածքն ու բովանդակությունը, ելույթի համապատասխանությունը ավարտական աշխատանքի բովանդակությանը, ներկայացման եղանակը, որակը և ժամանակի կառավարումը:
- 3.5. Նախնական պաշտպանությունը գնահատվում է ըստ պատրաստվածության մակարդակի ընդհանուր բնութագրի և գիտելիքների որակի:
- 3.6. Ավարտական աշխատանքը պատրաստ չլինելու դեպքում բացահայտված թերությունները վերացնելու համար ուսանողին տրվում է ժամանակ՝ չխախտելով 2.1.8-րդ կետով սահմանված պաշտպանության գործընթացի ժամկետները:
- 3.7. Ավարտական աշխատանքի հրապարակային պաշտպանությունը կազմակերպում է ամփոփիչ ատեստավորման հանձնաժողովը՝ ըստ «Հայաստանի պետական տնտեսագիտական համալսարանի ամփոփիչ ատեստավորման հանձնաժողովի ձևավորման և աշխատանքի ընթացակարգի»:
- 3.8. Ավարտական աշխատանքի հրապարակային պաշտպանության ժամանակ աշխատանքի բովանդակությունը ներկայացնելու համար յուրաքանչյուր ուսանողի տրվում է մինչև 15 րոպե ժամանակ:
- 3.9. Ուսանողին հանձնաժողովի անդամների կողմից հարցեր տրվում են ելույթից հետո՝ մինչև 15 րոպե:

- 3.10. Հանձնաժողովի հարցերին պատասխանելուց հետո ընթերցվում է ավարտական աշխատանքի գրախոսի գրախոսությունը:
- 3.11. Ավարտական աշխատանքի պաշտպանության արդյունքները գնահատվում են «գերազանց», «լավ», «բավարար», «անբավարար» գնահատականներով՝ ըստ համալսարանում ընդունված գնահատման սանդղակի: Գնահատականները հայտարարվում են նույն օրը՝ ամփոփիչ ատեստավորման հանձնաժողովի նիստի արձանագրությունը կազմելուց հետո՝ մեկ ժամվա ընթացքում:
- 3.12. Դրական գնահատված ավարտական աշխատանքները պաշտպանության օրվանից հետո 3 տարի ժամկետով պահպանվում են համալսարանի արխիվում:

12.04.2019
արձանագրություն N 10

«Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհրդի՝ 2018 թվականի մարտի 5-ի նիստում (արձանագրություն N 5) հաստատված «Ավարտական աշխատանքի կատարման և պաշտպանության մեթոդական ցուցումներում» փոփոխություններ և լրացումներ կատարելու մասին:

Օգտագործված գրականության ցանկ

1. «Կրթության մասին» ՀՀ օրենքը, ՀՕ-297, ՀՀՊՏ 1999.05.14/12(78):
2. «Բարձրագույն և հետբուհական մասնագիտական կրթության մասին» ՀՀ օրենքը, ՀՕ-62-Ն, ՀՀՊՏ 2005.01.31/8(380):
3. ՀՀ կրթության և գիտության նախարարի «Հայաստանի Հանրապետության բարձրագույն ուսումնական հաստատությունների շրջանավարտների ամփոփիչ ատեստավորման անցկացման կարգը հաստատելու մասին» 2011 թվականի հոկտեմբերի 31-ի N 1197-Ն հրաման (պետական գրանցում 01.12.2011 կողմ 11011506):
4. ՀՀ կրթության և գիտության նախարարի «Հայաստանի Հանրապետության բարձրագույն ուսումնական հաստատություններում ուսանողների հեռացման (ազատման) և վերականգնման կարգը հաստատելու մասին» 2011 թվականի նոյեմբերի 17-ի թիվ 1242-Ն հրաման (պետական գրանցում 27.12.2011 կողմ 11011570)
5. ՀՊՏՀ մագիստրատուրայում կրեդիտային հենքով ուսուցման կազմակերպման կարգ:
6. Բարձրագույն ուսումնական հաստատություններում ուսումնական գործընթացի կրեդիտային համակարգով կազմակերպման օրինակելի կարգ:
7. Գրիգորյան Կ. Հ., «Մագիստրոսական ատենախոսության կատարման և պաշտպանության կազմակերպման մեթոդական ցուցումներ», ուսումնամեթոդական ուղեցույց, Հայաստանի պետական տնտեսագիտական համալսարան, Երևան, «Տնտեսագետ», 2011, էջ 1-32:
8. Дондокова Е.Б., Цыбенков Б.Д., Дипломная работа. Методика написания и правила оформления. Улан-Удэ: Изд-во ВСГТУ, 2004, 30 с.
9. Кузин Ф.А., Магистерская диссертация. Методика написания, правила оформления и процедура защиты. Практическое пособие для студентов-магистрантов. 2-е изд., перераб. и доп., М., "Ось-89", 1999, 304 с.
10. <http://www.wikihow.com/Write-a-Master's-Thesis>
11. <http://www.gwr.arizona.edu/writingproposal1.htm>
12. <http://ifsh.de/pdf/studium/Thesis-Guide.pdf>
13. <http://www.sml.hw.ac.uk/postgraduate/downloads/dissertations/dissertationguide.pdf>
14. http://www.utexas.edu/ogs/pdn/pdf/format_guidelines-m.pdf

Հայաստանի պետական տնտեսագիտական
համալսարանի _____
ամբիոնի վարիչ պարոն (տիկին) _____
_____ մասնագիտության
_____ կրթական ծրագրի
առկա (հեռակա) ուսուցման
չորրորդ (հինգերորդ) կուրսի ուսանող (ուհի)

Հեռ. _____
Էլեկտրոնային հասցեն՝ _____

ԴԻՄՈՒՄ

Խնդրում եմ հաստատել ավարտական աշխատանքի թեման հետևյալ
վերնագրով՝ «_____»:

Դիմող՝

(ստորագրություն)

(անուն, ազգանուն, հայրանուն)

_____ 20 ____ թ.

ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ



ՀԱՅԱՍՏԱՆԻ ՊԵՏԱԿԱՆ
ՏՆՏԵՍԱԳԻՏԱԿԱՆ
ՀԱՄԱԼՍԱՐԱՆ

ՄԱՍՆԱԳԻՏԱՅՈՒՄ • ՓՈՐՁ • ՀՆԱՐԱՎՈՐՈՒԹՅՈՒՆ

ԱՎԱՐՏԱԿԱՆ ԱՇԽԱՏԱՆՔ

Թեմա՝

Ֆակուլտետ՝

Ամբիոն՝

Մասնագիտությունը՝

Կրթական ծրագիրը՝

Ամբիոնի վարիչ՝

Ղեկավար՝

Երաշխավորվում է պաշտպանության՝

Կատարող՝

Երևան – 20 ____

Հայաստանի պետական տնտեսագիտական համալսարանի

«_____» մասնագիտության «_____»

կրթական ծրագրի առկա (հեռակա) ուսուցման բակալավրիատի 4-րդ (5-րդ) կուրսի
ավարտական աշխատանքների պաշտպանության ամփոփիչ հանձնաժողովի
գնահատման թերթիկ

N	Ուսանողի ազգանունը, անունը, հայրանունը	Ավարտական աշխատանքի թեմայի վերնագիրը	Գնահատման գործոնների կշիռը* (միավոր)			
			I	II	III	IV

Ամփոփիչ ատեստավորման հանձնաժողովի նախագահ՝

Ամփոփիչ ատեստավորման հանձնաժողովի անդամ՝

* Ծանոթություն:

- I. աշխատանքի բովանդակությունը, 15 %
- II. աշխատանքի ինքնուրույնության աստիճանը, 15 %
- III. աշխատանքի ներկայացման որակը, 35 %
- IV. տրված հարցերի և դիտողությունների պատասխանների ամբողջականությունը
և խորությունը, 35 %